

Sjå adresseliste

Dato: 22.02.2016  
Vår ref.: 2014/14645-95  
Saksbehandlar: lisadla  
Dykkar ref.:

## Svar på søknad om tilskot til mindre fysiske trafikksikringstiltak 2016

Tilskotsordninga til mindre fysiske trafikksikringstiltak vart etablert i 2014. I 2016 var det sett av 2,03 mill kr til denne tilskotsordninga. Ordninga kan finansiere tiltak med ein totalkostnad opp til 250.000 kr, og vidare kan fylkeskommunen finansiere inntil 70 pst av tiltaket, medan det vert kravd ein eigenandel på 30 pst frå kommunen.

Innan fristen 1. januar 2016 var det komme inn 41 søknader fordelt på 18 kommunar. Ni av kommunane søkte om meir enn eitt tiltak. Totalt vart det søkt om tilskot på 9.909.150 kr, med ein totalkostnad for alle prosjekta på 15.714.768 kroner.

Fylkestrafikksikringsutvalet i Hordaland (FTU) handsama på sitt møte den 17. februar 2016 søknadane om tilskot til mindre fysiske trafikksikringstiltak, og gjorde slikt vedtak:

### Vedtak

Fylkestrafikksikringsutvalet (FTU) vedtek fordelinga av tilskotsmidlar til mindre fysiske trafikksikringstiltak 2016 slik det går fram av saksframlegget.

	Kommune	Omtale av tiltaket	Innstilling
1	<b>ASKØY 4</b>	Florvågbakken. Sikring av to kryss pga dårleg sikt. Venteskur.	175 000
2	<b>AUSTEVOLL 2</b>	Storebø. Utkøyring frå byggefelt. Utvida veg og utkøyring.	70 000
3	<b>BØMLO 2</b>	Langevåg Fv 541 X Fv 11. Sprengje vekk fjellknaus og oppsetting av ledegjerde.	154 000
4	<b>ETNE 1</b>	Oppsetting av 10 lysmaster og utskifting av 5.	175 000
5	<b>FITJAR</b>	Punktutbetring. Stølshaugebrekko. Uoversiktleg sving/bakkeopp.	175 000
6	<b>FUSA</b>	Etablere fortau på 25 meter og rundkøyring for av/påstiging.	175 000
7	<b>KVINNHERAD 4</b>	Hatlestrand ung.hus. Fv 49. Utbetre friskt og stoppsikt rundt kurve.	14 000
8	<b>LINDÅS 1</b>	Idrettsbana og Juvikstølen bhg. Fortau 90 meter.	154 000
9	<b>MASFJORDEN</b>	Sandnes skule. Fv 570. Fortau 75 meter. Fartshump.	175 000
10	<b>OS 2</b>	Fartshumpar.	70 000
11	<b>OSTERØY 2</b>	Veglys. Haus sentrum til kyrkja.	175 000
12	<b>RADØY 1</b>	Nordbøvegen. Fartsdempande tiltak/fortau	175 000
13	<b>SVEIO</b>	Lauvåsvegen. 4 lyspunkt på eksisterande stolpar.	42 000
14	<b>ULLENSVANG</b>	Huse bustadfelt. 10 fartshumpar.	175 000
15	<b>VAKSDAL</b>	Tre fartsregulerande tilak. Øvre Eikhaugen. Hellevegen. Stanghelle vest.	133 000
	<b>OPPSUMMERT</b>		<b>2 037 000</b>

Møteprotokoll og saksdokument for denne saka (PS 08/2016) finn de her:  
<http://einnsyn.hfk.no/einnsyn/Dmb/DmbMeetingDetail?meetingId=476>

Vedtaket inneber at 15 av dei 41 tiltaka får tildelt tilskot. Desse tiltaka er vurdert til å vere dei trafikksikringstiltaka som vil gje best mogleg effekt ut frå tilskotsordninga så råme. Tre av kommunane; Fjell, Stord og Tysnes får ikkje tildelt midlar. Samleoversikt over alle 41 tiltaka ligg ved.

Utbetaling vil skje så snart tiltaket er ferdigstilt, og rapport er sendt inn. Det er utarbeidd eit eige rapporteringsskjema som skal nyttast til dette. Rapporteringsskjemaet ligg på fylkeskommunen si heimeside.

Dersom tiltaket *likevel* ikkje vert ferdigstilt i 2016 må vi ha melding om dette i god tid før nyttår. Vidare vert tilskot gjeve under føresetnad av at Hordaland fylkeskommune sin revisor kan gjennomføre kontroll med at tilskotet vert forvalta slik det går fram av søknaden og vedtaket.

Vi viser elles til råma for tilskotsordninga, og ber dykk særleg å merke dykk følgjande punkt:

- Tilskotsmottakar er ansvarleg for overskridingar på tiltaket utover kostnadsoverslaget i inngått avtale. Ved eventuell kostnadsreduksjon vert tilskotet 70 pst av dei reelle kostnadene.
- Dersom ikkje tiltaket vert ferdigstilt, må kommunen senda melding om ferdigstillingsdato (maksimalt til påfølgjande år).
- Plikt til tilskotsmottakar om å underrette fylkeskommunen dersom nokre av føresetnadene for gjennomføring (teknisk/fagleg, økonomisk eller framdriftsmessig) ikkje let seg gjennomføre etter føresetnadane.
- Krav til rapportering. Dokumentasjon av tiltaket og prosjektrekneskap.
- Atterhald om at fylkesrevisjonen kan setje iverk kontroll med at tilskotet er nytta slik som føresett.
- Dersom tilskotsmottakar gjev misvisande opplysningar, eller ikkje brukar tilskotet i samsvar med vilkåra vil tilskotet verte avkorta/inndrage.

John Martin Jacobsen  
leiar

Lise Fauskanger Ådlandsvik  
rådgjevar

*Brevet er godkjent elektronisk og har derfor inga underskrift.*

Adresseliste:

Askøy kommune  
Austevoll kommune  
Bømlo kommune  
Etne kommune  
Fitjar kommune  
Fjell kommune  
Fusa kommune  
Kvinnherad kommune  
Lindås kommune  
Masfjorden kommune  
Os kommune  
Osterøy kommune  
Radøy kommune  
Stord kommune  
Sveio kommune  
Tysnes kommune  
Ullensvang kommune  
Vaksdal kommune

Vedlegg

1 Vedlegg. Oversikt over alle søknadane 2016